

磻溪集序

玉峯老人講經四十年緣深未斷丙午春演義易於條陰之北郊有三仙者自隴山來謁我祇宮囊出一篇乃磻溪邱公長春舉揚玄諦開誘迷朋而作也啟緘閱焉其文豪縱意出新奇蓋匪俗學所能知者昔王官李樂然與玉峯俱出斬秀覺之門而李白穎悟玄言驚人非世才之所能窺既與序而傳之矣嘉哉道之聰非世之聰也道之言非世之言也何以徵之乎俗學者雖能鼓頰揮毫不過歌詠情性搜羅景物至造理者明天人之際助聖賢之教亦可與日月爭懸若夫悟真之士特不斯然發無言之言上明造化彰無形之形下脫死生信手拈來不勞神

道藏輯要

磻溪集序

一 又胃集三

思空暗自震奮爲雷霆本文不作燦成斗星玉峯老人今於羣仙而證之不求高而自高不期神而自神豈非一氣通徹六窻洞闢動容無不妙出語總成真本來如是非假他通者邪如磻溪集云手握靈珠常奮筆心開天籟不吹簫又云頂戴松花喫松子松溪和月飲松風又云徧撮山頭三伏暑都教化作一團冰又云有無皆自定貪愛復何爲又云酒傾金露滑茶點玉芝香又詞云般般放下頭頭是選甚花街并柳市虛空體本來一物無凝滯又云天下周游身不動人間照了心無用又云踏盡鐵鞋迷不出菴門透略舉二三數讀者當廣知也嗚呼今之仙緣必宿有仙契者乎昔在東菴與王風仙全真結緣在長安與

馬丹陽結緣去秋海州人來與譚仙結緣唯邱公遠處隴上是
數者皆風仙之徒今悉得結其緣非人力之所能致也雖然邱
仙之道豈爲吾而顯也蓋光輝之大世有不可掩者於是乎亦
得與結緣焉時大定丙午歲五月日中條山玉峯老人胡光謙
序

道藏輯要

序

二

又胃集三

正一天師清微弟子 洪百堅 製作

道教學術資訊網站

蘭生深林不以無人而不香鶴鳴九皋自然有聞而及外高人
勝士或幽棲窮處甘枯槁於山樊或混雜同塵肆沈淪於鄜市
雖室邇而人遠覺心靜而地偏飄飄泛泛喻孤飛之雲不繫之
舟隱起滅於丹霄滄溟之際將何往而不自適耶加之玄元爲
師泰和爲友遐襟曠跡淵停谷虛倣內觀之達人法勤行之上
士修真養命累功及人閒亦寄興言懷高吟大著遵皇人之紫
筆演大洞之空歌文辭章句往往見於世焉是以蘭之吹香鶴
之聲聞乎我儀圖之今長春子止公非斯人之徒歟而誰歟公
本登州棲霞人與劉公譚公馬公俱圖學於終南王風子先生
著名海上遠近敬仰號止劉譚馬若古祛惑論所謂神仙道士
道藏輯要

碓溪集

三

又胃集三

若太上說養性得仙三十六法寂寞在人間者也門人弟子齋
公所作詩曲雜文來謁序引余素未遂覲止臨江之表而獲覩
雄編嘉其恬淡閑逸縱凡儷俚無所拘礙若游戲於翰墨畦逕
外者不雕不琢匪丹匪青土鼓蕢桴之不求響奏玄酒大羹之
不事味享知音知美其在斯乎唐蔣防稱靜福山廖冲曰仙書
無文仙語無詞以心傳心天地不知放情逍遙今古爲誰子止
公復云時大定丁未長至日文林郎前太常博士兼校書郎雲
騎尉致仕平陽毛麾序

且夫至道之妙不得以聲色求而不得以形跡窺必賴至人爲
馴致計摘章摘句俾得傳誦之歌詠之而漸能游聖域而造玄
門者也然而句乏警策文無淵底則烏可以歆艷當時而激勵
後學者哉今見長春子止公礪溪集片言隻字皆足以警聳瞽
而洗塵囂也益非生而穎悟未弱冠而志於道不寐者餘四十
載日記三千言身行萬里地三教九流貯蓄於胷臆照耀於神
識故也宜乎聲馳丹闕有綸音之邀契偶真仙喜金鱗之得因
知從重陽之役者無慮千百輩唯止劉譚馬四公時爲秀出然
翹翹之譽獨有歸焉適有舊友隴西公亨道自東萊直抵奉城
郡署懇求集序拜手而加穎者數四自知弓刀簿領之手不足
爲形容髣髴然稔慕風聲憾未披際況李侯之來引繩不可挹
故讓之無計而勉書數字時泰和丙寅歲重午後一日昭義大
將軍武定軍節度使兼奉聖州管内觀察使提舉常平倉護軍
漆水郡開國侯食邑一千戶食實封一百戶移刺霖題

道藏輯要

礪溪集
序

四 又胃集三
川又上

昔蒙莊著書三十三篇大率寓言藉外之論後之談道者然以黜聰去美頤神養氣爲本至於接物誘俗革頑釋蔽亦不免託默於語東州高士長春子正公世居登之棲霞未冠一年游崑崙山遇重陽子王害風一言而道合遂師事之王遺以詩有破余緩緩收綸線拽入蓬萊永自由其深入理窟可知已久之與同志馬公譚公劉公陪從重陽子游南京識者目正劉譚馬爲林下四友居無幾重陽子捐館四人護喪歸殯終南廬於墓次服除各議所之適惟公樂秦隴之風居磻溪廟六年龍門山七年囚食飲以度朝夕聲名籍甚大定戊申世宗皇帝聞之驛召至京師賜以冠巾條服見於便殿前後凡四進長短句以述修道藏輯要

磻溪集

五 又胃集三

真之意上嘉歎焉及還山之後接物應俗隨宜答問有詩頌歌詞無慮若干首文直而理到信乎無欲觀妙深造自得者歟其徒哀爲巨帙將鈐木以廣其傳謁文以冠篇首愚以謂古隱君子有二概或自放草澤名往從之人主之尊猶物色而招訪或持峭行不屈於俗雖有所應終不可縻以物務使人人想望風采或資槁薄而樂山林逃空虛而不返使天下常高其德不可加訾長春子兼而有之宜乎以野服承聖問使四方懷想而企慕焉非如放利之徒假隱自名欺愚誑瞽爲得計哉先生今在棲霞太虛觀未有承顏接膝之期所以序其崖略者庶他時邂逅不以我爲生客泰和戊辰閏四月望日翰林學士中順大夫

知制誥兼國子司業輕車都尉潁川縣開國伯食邑七百戶賜紫金魚袋安東陳大任序

道藏輯要

序 備溪集

六

又胃集三

正一天師清微弟子洪百璧製作

道教學術資訊網站